

Satish Chandra Memorial School

Bengali (Std. – II)

অনুচ্ছেদ - গ্রীষ্মকাল

বৈশাখ ও জ্যৈষ্ঠ এই দুই মাস গ্রীষ্মকাল। এই সময় সূর্যের তেজ খুব বেড়ে যায় ফলে নদী, পুকুর, খাল, বিলের জল শুকিয়ে যায়। গ্রীষ্মকালে দিন বড় ও রাত ছোট হয়। এইসময় বিকেলের দিকে প্রায়ই ঝড় বৃষ্টি হয়, একে ‘কালবৈশাখী’ বলা হয়। গ্রীষ্মকালে কখনো কখনো জলের অভাব দেখা দেয়। এই সময় মশা মাছির উপদ্রব বাড়ে। মানুষের সর্দিগর্মি লেগেই থাকে। গ্রীষ্মকালে নানারকম ফল পাওয়া যায় যেমন আম, লিচু, তরমুজ, জাম, কাঁঠাল, আনারস, ইত্যাদি আর ফুলের মধ্যে পাওয়া যায় জুঁই, চাঁপা, গন্ধরাজ, বেলফুল ইত্যাদি।